



**R.P.D. Lvdovici Gomes, Episcopi Sarnensis, sacri Palatii  
Auditoris, Commentarii in iudiciales regulas Cancellariae**

**Gómez, Luis**

**Lvgdvni, 1557**

Regula, quòd commiſſionis post conclusionem non stetur, nisi derogetur  
conclusioni, perbreuis est, sinémque huic operi imponit.

---

[urn:nbn:de:hbz:466:1-63697](https://nbn-resolving.org/urn:nbn:de:hbz:466:1-63697)

posita, videlicet, & inde sequuta quæcunq; & c. dixi in re-  
 gula de annali q. 73. Iuxta prædicta posset hic etiam dubi-  
 tari de vna quæst. quæ ponenda erat suprâ q. 9 super qua  
 alias consuluit Ioachinus de Narnia, in causa Colonien-  
 præb. S. Seuerini, videlicet, nūquid publicatio facta in do-  
 mo, siue loco capitulari, quæ est infra obitum ecclesiæ, va-  
 leret: & consuluit quòd sic, quia licet regula requirat locū  
 beneficij, illud sit ad effectum, vt magis innotescat, & in ta-  
 li publicatione finis seruetur illo modo: quia illud quod fit  
 infra obitum, dicitur in loco fieri. cap. de fabrica. de cōsec.  
 dist. 1. l. 2. de verbo. signifi. & cap. si ciuitas. de senten. excō-  
 munic. lib. 6. cū vulg. & quia videmus, quòd aliquando pu-  
 blicatio toleratur, si facta fuerit coram honestis personis  
 & testibus. glo. in verbo. beneficium. in clemen. causam. de  
 electionib. sicut videmus in appellatione fieri, vt dicit glo.  
 in l. cum quidam. ff. de appella. tãto fortius in calu nostro,  
 quando fit coram canonicis in loco capitulari.

REGVLA, QVOD COMMISSIONI  
 POST CONCLVSIONEM NON  
 STETVR, NISI DE-  
 ROGETVR CON-  
 CSSIONI.

**H** *TE M*, statuit & ordinauit, quòd in commissionibus,  
 seu mandatis etiam cōsistorialibus per eum, seu de eius  
 mandato, vel autoritate in causis, in quibus conclusum  
 existat, in posterum concedendū, etiam si in eis de con-  
 clusione huiusmodi, implicite, vel explicitè mentio fa-  
 cta fuerit, nihil censeatur esse concessum, nisi per concessionem commis-  
 sionis huiusmodi, conclusioni derogetur expresso.

**I**STA regula quæ de conclusione loquitur, finem & cō-  
 clusionem apponit regulis iudicialibus, & præsentī tra-  
 ctatū. Nam ista regula etiam vltima est iudicialiū, vt hic  
 etiam Glossator aduertit, & ita in libro regularum Rotæ  
 vltima ponitur. Circa quam omnino, nisi remissiue scribā,  
 ex eo, quia hodie propter facilem conclusionis derogatio-  
 nem, quæ per processum ad vltiora, & repositionē Do-  
 minorum auditorū fit, parū practiceatur, & ob eā fortè cau-  
 sam de ea domi. Guliel. Casiodorus nihil in decisione

bus suis scripsit, quanuis per .12. annos omnia quæ in Rota gesta fuere, circa regulas obseruauerit. Et ego per .12. annos, quibus in Rota verfor, nunquam vidi de ea excipi: propterea vanum erit tempora, quæ mihi nō sunt, reliqua in inutilibus consumere. Quamobrem circa istam regulam remissiuè videnda sunt, quæ dicit Fely. in c. nonnulli. in .11. col. versi. amplia adhuc. & in col. .11. versi. & ad sextam regulam, & c. de rescip. quibus locis de regula ista mentionem facit. Et ante ipsum latius regulam discutit Rom. in consil. 176. incipien. istæ sunt. col. vltim. vbi plenissimè loquitur, & plures alij, qui breuitatis causa omittuntur. Et ideo ista sufficiant pro completèto præsentis tractatus. Et dum tempus dabitur, fortè secundam partem regularum, quæ in literis expediendis versatur, quæ alium iustum tomum requirere videtur, aggrediar: quæ quidem regulæ ideo non dantur, quia in iudiciis non producuntur, & ob eam causam extraiudiciales appellantur.

FINIS.

*Solis Jern Paderb.*

LVGDVNI,

*Excudebat Nicolaus Edoardus,  
Campanus*

1557